

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,\*

manē discutienda in Scholis Medicorum, die Jovis decimā-tertiā mensis  
Januarii, anno Domini M. DCC. LXXIV.

M. CAROLO-FRANCISCO BOUTIGNY DESPREAUX,  
Doctore Medico, Præfide.

*An Febri Malignæ Vesicantia?*

1



**F**EBRIS Maligna adeo teter morbus est ut nisi sedula medentis adhibeatur cura; de eo ferè sit conclamatum, quem semel aggressa est. Eò sevirioribus incedit symptomatis, quò blandius insidiosa falsà benignitate ægrum decipit, securos mendax fallit assidentes, sictaque larvâ, non rarò Medicum ludit incautum & offusâ caligine. dira mors futura vetat prospicere. Modò tacite serpit, & velut ignis deloso suppositus cineri, miti extis calore lenis, cœco incitù æstu flagrans se se malignè dissimulat: modò omnes induit formas omnibus illura modis. Nunc sub Pleuritidis personâ graditur, dolorem pectorum offert mendendum, tussim serinam debellandam, sanguinis scratum sistendum, dum ipsa veluti densis se se obvolvitur tenebris: nunc colicum dolorem, jecoris aut ventriculi inflammationem tam eruditè mentitur, ut propius nihil fiat quam ut oculos & in arte recoctos decipiat, hisque tantum morbis laborare arbitrentur. Quandoque tertianam intermittentem, sæpius continuam aut febrem utriusque participem præ se fert, alternèque diebus recrudescens rigor, exacerbationes vehementiores prænuntiat. Sic incedunt huius anni febres malignæ, in quo cum singultu, septimo, nono, vel undecimo die, animam exhalant ægrotantes. Plurimos diuturnâ emaciatos functionum læsione aggreditur, non paucos ad athletarum habitum progressos formidolosa repente obruit incautos. Multis ante invasionem diebus membra ingravescunt, somnus laborem facit, non levat lassitudinem, torpet corpus spontaneis defatigationibus, gravativus premit caput dolor, calor adeò levis ut vix se febricitare æger sentiat, urina bona, pulsus bonus, nisi quod hic paulò exilior & crebrior, illa crudior, mentis adest stupor, sensus hebetes, ingens denique fit corporis pondus. Sed brevi ea symptomata vires acquirunt eundo, pulsus intensior fit & citator, urinæ plerumque rariore, lutulentè instar jumentorum, ignis edax deurit corpus, jam subsultibus concutitur, motuque convulsivo tendones aguntur, vox tremula, sæpè ferox, delirium, mentisque unà cum corpore prægravatur, de sua sede dejecta, oberrat, omnia fusqueque miscetur, quid plura, nulla fundio intacta remanet. His omnibus frustra mederi aggredieris symptomatibus, nisi ipsum morbum, in latibulis ubi figere sedem adeò amavit, jugules, necneque certam illaturus es, nisi remedium cerebri inflammationi solvenda idoneum admovearis.

\* Autore Antonio Bergier.



**Q**UAMVIS febris Maligna nihil contineat veneni quod in præcordiis defæviat; ipsaque miserabiliter dilaniet, si tamen ægro assidentibus malignam afflaret auram, ipsâ esset peste multò pestilentior. Quantò cæteris partibus præstantius caput, tantò periculosius impetitur. Sui etiam cerebro morbi & licet velut æneo circumquaque obsepiaur muro, non semper undique latet tutum, & sicut ossibus, carnibus, tendinibus, membranis, nervis, non iidem morbi, non eadem remedia, ita nec cerebro ab iis partibus planè diverso. His omnibus nomine communis morbus inflammatio, grave quidem malum, sed multò gravius in cerebro, omnes enim ludit tristes tragædias, quibus nulla potest esse tristior. Virium repentina prostratio, capitis gravitas, sæpe etiam dolor, delirium, sopor gravis, altior somnus, somnia tumultuosa, mentis stupor, sensuum hebetudo, ingens corporis pondus, totidem sunt argumenta non dubia, lædi in hoc morbo substantiam cerebri. Non minùs illud idem evincunt graviora quæ subsequuntur symptomata. Carotidum vibrationes pulsibus aliarum arteriarum vehementiores, tendonum totius corporis, brachiorum præsertim, rigor & subultus, vox tremula, ferox, proterva, delirium, inordinatum omninò spirituum in nervos influxum demonstrant. Sitis sæpe nulla cum intensâ febre, inconditi sermones adeò ut pugnantia secum, nec coherentia loquatur æger, nec ad se redeat nisi admonitus, mentis cum corpore laborantis manifestæ sunt notæ. Tumor faciei, surditas, oculi nunc flammei, nunc erratici, iniussæ lacrymæ, cerebrum malè affici evidenti sunt argumento. Ubi in cerebri meningibus fixit sedem inflammatio, vividior est febris, acrior calor, strictior pulsus, capitis dolor pungens, rigidiores tendones, frequentiores subultus, infania tumultuosior, cum meninges finto sensus exquisitoris, contractionis & claterii magis compotes quàm ipsum cerebrum. Ipse ego Remis in Nosocomio majori, propriâ manu, quatuor apertis febre Malignâ extinctorum cadaveribus, coram erudito cœtu, ipsis oculis videndam exhibui in uuo piam meningem tenacitùs cerebro in hærentem & ejus vasa varicum instar sanguine turgida & distenta; in tribus aliis, partem cerebri pure exesam & ventriculos sero turgidos: cum his mitius egerat febris nec sæva adeò ediderat symptomata, in illo multò sæviora fuerant.

## I I I.

**N**ON horridior hic morbus quàm sanatu difficilior. Non sine duro labore resolvitur irretitus humor in partibus mollibus, resilire imparibus, & tamen nisi dissolvatur certa mors est, non enim eadem fors cerebri cum aliis partibus, in his etsi non dissipetur nocens humor, non ideò semper miserabiliter perit ægrotus, in illo non item. Spontè velut suâ aliquando nascitur & viget hic in cerebro morbus, sæpius ad vitium in primis viis humorem, originem suam refert. Bilis exæstans ipsâ totâ sequanâ non compescibilis tragædiæ sæpè ludit præludia, sæpius etiam vitriolicæ partes in primis viis contentæ. Hæ nausæis quas excitant se se indignant, acrimoniâ suâ lympham inspissant & coagulant, & cum omnium tenuissima esse debeat quæ cerebrum & substantiam medullarem subire destinata est, si paululum jussu crassior sit, ferè fit ut quos sibi carceres selegit, ex iis se se expedire nequeat. Glandulas coarctat, medullares anfractus plus æquo comprimit, exilissimos nervorum tubulos hæc parte constringit, illac apertos finit, hinc motus citiores, vehementiores, anomali; illinc pigra & imperfecta excernendorum elaboratio, secretio: ex utroque malo partium consensus turbatur, languent reciproci motus, impedita omninò est natura & opem flagitat, non jugis spirituum influxus, sed interruptus, non lenis, sed impetuosus irruit vitalis latex, inde deliria, contractiones musculorum irregulares, coma, & cætera omnia dira quæ febrem Malignam consequuntur symptomata. Ac veluti cum venti vinclis & carcere soluti, qua data

porta ruunt Cœlum & Terram perflant turbine, ita nulli imperio dociles furiunt spiritus nervei. Quânam arte tantum possis æstum reprimere? An venæ sectione? An purgatione? Illa, fateor, luxuriantem circumcidit sanguinis molem, æstuantem compescit, è suo cursu desectentem rovocat, sed quamvis palmare sit remedium in aliis inflammationibus curandis, dùm copiam sanguinis imminuit, cordis impetum frangit, detrahit de copiâ spirituum animalium, non febrem Malignam curat, sed curationem tantùm parat: hæc fomitem, seu materiam morbi minuit & ducit ad prosperos exitus, sed stagnantem lympham non aggreditur, impactam non resolvit. Ut igitur sanguinis missio de mole ejus majori detrahit, & purgatio nocentes humores eliminat, ita vesicantia apta nata sunt lymphæ circulum ad leges proprias revocare, ipsaque non adhiberi in febre Malignâ, piaculum est.

## I V.

**V**IRTUS & efficacia remedium externè appositorum, etiam ad morbos interiores sanandos, mirum quantum luceat in profligandâ lue venereâ. An minor eorum in aliis morbis potentia? Ut quid igitur sepulta oblivione jacent. Lymphæ omnium ferè bonorum corporis parens, non tantum mutatâ suâ legitur indole, sed etiam mole auctâ plurimorum ferax est morborum. Luxurians nimium circumcidenda, stagnans subducenda, spissior attenuanda. His malis non potentius medeberis quam vesicantibus. Dubitas? Adi experimentum. Immitte pulverem cantharidum in serum sanguinis: liquidius illud fiet, tenuius & coagulationis impatientius. Aliundè ipsis oculis patet serum quod exstillat ex locis ubi apposita sunt vesicantia liquidius factum fuisse. Missione sanguinis totam ejus molem imminui, circuitum ejus liberorem reddi, impactum hunc liquorem resolvî certum est. Suus etiam lymphæ circuitus, suas patitur leges proprias, & in motu suo turbari si quis ejus canalîs aut compressus aut obductus sit, non minus constat. Quælibet vesicantium particulæ similes lanceolis venulas sero turgidas aperiunt eructandoque latici aditum patefaciunt. Stimuli etiam vices adimplent & suis partibus acribus fibras carneas irritant, undè expressio major liquidioris materiæ per patentia osculâ. Villi validius contrahuntur, breviores redduntur, tensi sunt, tremor ergò vividior & appulsus fluidorum ad contactum fibræ abundantior. Per vim stimuli liquidum nervosum in crebriores agitur undas, & per motum derivationis appellet ad nervos omnium musculorum ubi vesicantia suam vim exerunt. Fiet itaque derivatio liquoris in eam partem, & revulsio à parte læsâ & infartâ. Quamvis sic fiat lymphæ expressio major, subeunt tamen quædam vesicantium particulæ totum corpus, ipsumque pervadunt. Notus est effectus quem excitant in renes & vesicam. Attenuabunt igitur lympham, liquidiores, tenuiorem reddent, ubicumque locorum sit impacta, sicque aptam eam reddent parere circulationis suæ legibus. Quid ergò præstantius quam remedium quod aut humorem noxium avocât à sede quam infestat, aut fluidiorem reddit, ut restituta circulatione neque jam noceat, neque amplius nocere possit. An igitur piaculum non est aut propter temerè conceptam opinionem, aut propter hypothesim falsam negligere, vel scurtiliter apud vulgus egregium adeò lacerare remedium. Quod ratio stabilît, illud idem firmat observatio. Non pauci jam jam morituri hocce medicamento ad vivos revocati sunt & quorum desperata salus, brevi sospites & incolumes facti sunt apposisis vesicantibus.

## V.

**N**EC te terreat tristitia quæ ab inductâ cantharidum tincturâ in jugularem canis venam contingunt symptomata, statim vomit, humi semî mortuus cadit, magna premitur anxietate sitis adeest inexhausta, paulò post gravissimo corripitur dolore, ululatibusque Cœlum implens moritur. Quàm dissident ea omnia ab iis quæ contingunt vesicantibus externè apposis. Non enim per vasa maxima catervatim

4

ad cor appellant , sed ipso sero quod noxium eliminant : temperantur & mitiora fiunt , non denegatur crudeliter potus ut factum est in exemplo canis , sed quò magis experitur , eò liberalius conceditur. Cerebrum statim lacesitum est , sed quòd erat sanum , non verò hostibus foetum. Nec mirum vesicantia nocere sanis quemadmodum & alia remedia. Denique omnia viscera canis sana deprehensa sunt , & sanguis è venis eductus nequaquam coagulatus. Non igitur pravos ediderunt effectus sed potiùs bonos , etiamsi nimia dosi , & indebito modo fuerint adhibitæ cantharides. Neque etiam major miçtus ; inflammationem renum metuendam evincit , cum eum possis nullo negotio , datis emulsionibus , brevi comescere. Quamvis parcior quantitas laticis fluere dicatur , quàm ut causam mali vesicantia avertere possè videantur ; his tamen fidito : non pauca enim medicamenta vel parcissima data dosi , malum jugulant quemadmodum vel ipsa minima miasmatum moles horrendas excitare valer procellas. At , inquires , educitur humor è partibus ubi apposita sunt illa topica , à poris cutis , à glandulis cutaneis , non ergò à cerebro , ubi sedem fingis morbi. Idem fit quod in missione sanguinis , quæ celebrata in malleolo sanguinem è capite educit. Conducunt etiam vesicantia ubi sanguinis *extravasatio* facta est in ipsâ cerebri substantiâ , nulla enim alia ratione possis hunc indè extricare quàm globulos rubros largâ potatione eluendo , ne verò remaneat in cerebro liquidum nocens , adhibe vesicantia vel ægotantem finito perire , cum illud nullâ melius arte possis eliminare.

Ergò Febri Malignæ Vesicantia ?

#### DOMINI DOCTORES DISPUTATURI.

M. Joannes-Carolus DE-  
SESSARTZ , utriusque  
Pharmaciae Professor de-  
signatus.

M. Joannes - Baptista  
LANGLOIS.

M. Stephanus POURFOUR  
DU PETIT.

M. Ludovicus - Henricus  
BOURDELIN.

M. Henricus RAIMOND ,  
Regis Exercituum in In-  
sulâ Corsicâ Medicus.

M. Paschasius BORIE.

M. Ludovicus-Alexander  
DE CÉZAN.

M. Carolus - Nicolaus  
D'ESLON.

M. Florentius - Carolus  
BELLOT , Professor Re-  
gius.

Proponebat Parisiis CLAUDIUS - FRANCISCUS DUCHANOY , Sequanus ,  
Saluberrimæ Facultatis Medicinæ Parisiensis Baccalaureus ,  
A. R. S. H 1774. A SEXTA AD MERIDIEM.